



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sponsvs Sangvinvm

Zachmoorter, Michiel

T'Antwerpen, [1641]


De X. Statie. De ontmoetinghe van de heylighe Maeght Maria.

urn:nbn:de:hbz:466:1-35954

ontmoet. van Maria. 10. statie. 157

DE X. STATIE.

De ontmoetinghe van de heylighe
Maeght MARIA.



De alder-bedroefste Moeder met
onsprekelyck medelyden, comt
haren alderliefften Sone in't ge-
moet.

67

GHE-

G H E B E D T.



Bedroefde Maaget/
o Moeder vol rou-
we/ fiet daer is uwē
alderlieffsten Sone/
t'eenemael ontsche-
pen ende doordont.

Hoe wreedt en straf een sweert des
drucks ende medelijden door- gaet
uwē teere ziele! diept doch onder
ons dese droef heyd/ doorsnijdt ons
herten met deernisse/ beweeght ons
ghemoet over het alder- smertelijc-
ste lijden van uwē natuerlijcken
Sone / onsen Heer ende Godt / op
dat wy aldus hier beginnen met
alle liefde u ende hem te loben en
te dancken / ende hier naemaelis
met alle de Heyligen in alle Cen-
tuwen der Centuwen. Amen.

M E D I T A T I E.

Bereydinghe.

Eerste deel der Meditatie.

A Enghesten mijn ziele / dat
ghy niet alleen reden en hebt
van u te versotmoedighen ten op-
sichte

sichte van uwe groote verwoz-
penthedyt gaende spreken aen dien
grooten Godt / in wiens teghen-
woordigheyt dien gheheelen he-
mel alsoo veel als niet is ; maer
veel meer om u groote hoober-
dijje / comende vooz uwen godt moe-
dighen Godt / ghy om wien dese
lesse te leeren hy hem soo veroodt-
moedicht heeft / siet nu u beste te
doen van u te verclepnen in sijn
teghenwoordigheyt / ende niet die
supberste liefde als ghy kondt / son-
der opsicht van eenighe eyghen
baete oft troost / recht u meyninghe
van desen tijdt des ghebedts ober
te bzenghen / soo ghy gheleert zijt
inde bereydinghe vooz de eerste
Meditatie. fol. 4.

HISTORIE.

Tweede deel der Meditatie.

Al ist dat die menichte van
Asmerten / die uwen Saligh-
maecker is lijdende / soo groot ende
menighbuldigh zijn (mijn ziele)
dat ghy gheenen tijdt noch ver-
standt en hebt om die ghenoechsa-
melijck

160 Den Bloedigen Bruydegom
melijck te weghen ende t'overleg-
ghen; nochtans so en betaemt
het niet die onsprekelycke droef-
hepdt ende smerte te vergheten/
waer mede dat duerende al desen
tijdt der passien moeste behanghen
wesen dat moederlijck herte van
die reyne Maghet Maria. Want
ghy mooght wel dencken hoe sy
te moede moest blijven / als haer
beminden Sone / die zy veel meer
dan haer selven beminde / gister-
avondt dien droeben doot hadde
ghenomen om te gaen sterben;
sterben / segghe ick / die aldergrou-
welijckste doot / daer-men opt af
ghehoort heeft / om de sonden van
sijn vanden: hoe die bedruchte
Moeder moeste overgoten wesen
van droefhepdt / ende traenen / dat
en is niet gheen menschelijck ver-
standt begripelijck.

Maer als het haeren ghebene-
dijden Sone immers soo ghelief-
de / ende dat hy meer achtete die
liefde die hy droegh aen die son-
daers dan den troost sijns liefste
Moeders / nu hy van haer ver-
trocken

ontmoet van Maria. 10. stacie. 161
trocken was / siet eens hoe haer
herte moestet' elckens op een nieu
verbaest wesen / als sy nu van d'een
verstondt sijn ghebangentisse / van
d'ander / hoe sy tot Annas soo
deerlijck gheslaghen hadde ghe-
weest : hoe sy tot Carphas dien
alder-droefsten swaersten nacht
hadde ghepasseert die opt op die
wereldt was ; hoe hem S. Peter
verlooghent hadde / ende al die an-
dere verlaeten. Dit al niet-tegen-
staende / hoe swaer het was / en
conde (soo men wel dencken magh)
haer moederlijck herte niet ver-
draeghen / oft sy en begheerde hem
te gaen volghen / ende besien / naer
dat alle die menschen hem soo
wreedt / ende onghetrouwigh wae-
ren / oft sy ten minsten hem niet
eenighen troost en soude hebben
connen aendoen : soo gaet sy met
haer bedrucht gheselschap niet te-
ghenstaende haere onsprekelijcke
swackighepdt / die haer de droef-
hepdt causeerde / ende volghende
soo naer als sy conde die droebe
processien nu van Capphas tot

Pila-

Pilatus / van Pilatus tot Hero-
 des / van Herodes wedrom tot
 Pilatus / ende hem niet commende
 eens noch sien noch spzcken om
 die menichte vanden volcke die
 daer ontrent liepen / soo heeft sy
 apparentelijck ghebleven / booz het
 Daleys vanden Rechter / verwach-
 tende dat haeren Soon soude upt-
 comen. Maer eplace / als de Rech-
 ter hem te bozen bracht soo wree-
 delijck ghegheeffelt / soo schroom-
 lijck ghecroont ende riep: Siet dit
 is den mensch; ende die ander daer
 teghen: Crupst hem / Crupst hem.
 Wat dunckt u / o ziele / hoe dat dese
 Moeder moeste te moede wesen?
 soudemen woorden comen binden
 om het selve te beschrijven? Neent
 boozwaer. Maer als nu de sen-
 tentie des doodts upt. ghesproken
 was; verlanghende om haeren
 Soone noch eens te moghen van
 by sien / ende den alderlesten adieu
 te segghen / heeft hem ieuers ver-
 wacht / daer sy moeste passeren.
 Alwaer den Sone Gods / die oock
 naer den lichaem haeren eenighen

Sone

Soone was in sulck-eene on-menschelijcken staet/ haer ontmoette. Hoe beyde die herten hier te moede waeren/ wat die ghesichten malcanderen spraecken sonder woorden/ hoe die bedruchte ghesteltemissen malcanders ziele totter doodt dooz-wonden/ dat laet ick u nu bebroeden ende overdencken.

Consideratie oft over-legginghe
van dit mysterie.

Derde deel vande Meditatie.

Mijn ziele/ die meest tot desen tijdt u hebt gheoeffent in'to-berlegghen des lydens uwer Salighmakers/ staet nu uwe gedachten op sijne ghebenedijde Moeder/ die haer soo troosteloos vint/ dat hadde God hare niet ober-natuerlijck gesterckt/ ick niet en weet hoe sy soude hebben connen blijven in't leuen, Want ghelijck haren ghebenedijden Soone/ al was hy eenpaerlijck vereenicht met den wille sijns Vaders/ nochtans nae sijne menschedit/ dooz de toe-latinghe
Godts/

Godts / soo was hy de doodt soo
 vreesfende ende bevoelende / dat al-
 leen dat ober-dencken der selver
 hem dede water ende bloedt swee-
 ten: soo ist oock gheschiedt / dat al
 was die ghebenedijde Moeder t'ee-
 nemaal ober-ghegheben in den
 wille des Hemelschen Vaders /
 dat sy niet en liet onsprekelijcken
 druck / ende medelijden te gevoelen
 in haer moederlijck herte / siende
 de pijnen van haeren Sone. Inder
 voeghen dat wel ghelooffelijck is /
 dat haer min pijnne soude gheweest
 hebben de doodt selve te sterben /
 dan aen haeren lieben Sone dese
 pijnen ende de doodt te sien aen-
 doen / en hem te ober-leben. Want
 dese twee alder-edelste herten wa-
 ren niet sulck-eenen onbindelijc-
 ken bandt van supber liefde ghe-
 bonden / dat die minste absentie
 van haeren Sone was dese alder-
 edelste Maghet een swaer cruyts /
 en alle armoede / quellinghe / droef-
 heydt / ende vervolgh in sijn ghe-
 selschap was haer een ghenoechte.
 Want noyt Moeder haeren Soon
 met

met ghelijcke supber vrandende
 liefde en beminde als dese Moe-
 der ende Maget / ende want Godt
 den Vader aen synen eenigen So-
 ne vooz de costelijcke gaben gaf
 dat hy in het midden van alle syn
 lyden hem beroofde van allen
 troost (want naer sp-selven is dit
 die edelste gabe die Godt sijne
 liefste vrienden gheeft) daerom
 heeft hy oock die H. Maghet met
 dese groote gabe apparentelijck
 al haer leven langh) maer op de-
 sen tijdt) oberbloedelijcke begaest.
 Volghens de propheetje vanden
 rechtveerdighen Simeon / Luc. 2.
 dat het swerdt der mistroostigh-
 hepdt haer ziele doozgaen soude;
 soo als heden meer dan eenighe
 creatuere / die Coninginne der
 Martelaren wel beproeft heeft /
 ende cloeckelijck (niet te min tot
 den eynde toe sonder eenigen troost)
 verdraeghen heeft.

Voor-nemen om naer te volghen.
verweckinghe vanden wille.

Vierde deel der Meditatie.

Ghy zijt wel voorzeker/ mijn
Gziele/ datter noyt iemant op
de aerde leefde wte Godt meer be-
minde/ dan synen eenighen Sone/
ende die alder-heylighste Maghet
Maria; soo is't nochtans/ dat
waer ghy hun leven aensiet/ ghy
alomme dat siet/ onringelt met
alderhande quellinghe ende be-
nautheydt: maer boben al in dit
alder-droefste spectakel/ waer den
Sone ende syne Moeder soo be-
rooft zijn van allen troost/ dat
waer dat sy hun keeren/ sy anders
niet en vinden dan oorzaecke van
meerder afflictie. Want hen kee-
rende tot Godt den Vader/ zy sa-
ghen noch synen thoon onghes-
blust/ brandende/ ende eschende
wzaecke van alle de sonden der
mensen/ die synen Soone op
hem hadde ghenomen; keerden sy
hen tot die Discipelen/ den mee-
stendeel hadden hen verlaten/ den

principaelsten hadde hem gheloo-
 ghent/ den anderen vercocht / ende
 sy-selven verhanghen; keerden sy
 hen tot die deulen / sy ontfinghen
 wzeede slaghen / schimpende woord-
 den / en onlijdelijcke blasphemien;
 keerden sy hen tot u / mijn ziele/
 soo saghen sy / hoe ondancckaer
 ghy soudt wesen van sulck-een
 weldaedt / ende hoe luttel profijt
 ghy daen soudt met sulck-een ex-
 empel / dat hen soo diere stont / soo
 dat sy (om u oock te leeren dat ghy
 op dese wereldt gheenen troost en
 moet soecken) hun berooft hebben
 van allen troost / waerom sy oock
 nu zijn die aldermeest ghetroost
 worden. Heeft den Sone Godts
 dan / ende sijne heylighe Moeder
 allen nootsaechelijcken troost uyt-
 wendigh ende inwendigh willen
 derben / hoe comt dan dat ick noch
 alle mijn wellusten soo onberster-
 belijck verbolghe / die van mijn
 ooghen in't sien / van mijn ooren
 in curieuse tijdinghen. Ick voede
 mijnen smaeck in wel t'eten / mijn
 gevoelen in alderhande ghemack /
 ende

ende mijn begheerlijckhepdt ben
 ick in alderhande sinnelijckhepdt
 soeckende. Ende soo verre dat ick
 my somtijds in dese grove onber-
 storventheden begeere te verster-
 ven / soo keere ick my terstondt tot
 die inwendighe eygen liefde / ende
 wille mijnen troost ende smaech
 in Godt binden. Ende soo ick die
 niet en vinde / het ghebedt comt
 my te verdzieten / die ure der medi-
 tation balt my te lanck / ick soecke
 eenighe oorzaecke om die te verla-
 ten: Is dat niet een openbaer teec-
 ken / mijn ziele / dat ghy Godt niet
 en soecht / maer wel den troost / na-
 demael dat soo langhe den smaech-
 kelijcken troost duert / ghy soo lan-
 ghe wel soudt willen bidden / ende
 sonder dien wilt het ghebedt ver-
 laeten? Soo en heeft den minnaer
 uwer zielen niet ghedaen / hy heeft
 u bemindt sonder smaech / sonder
 troost; jae in d'upterste desolatie
 heeft hy u gesocht / ende heeft hem
 laeten costen al sijn ghesonthepdt /
 al sijn leden / jae sijn leven / om u te
 seeren dat de waerachtighe liefde
licht

light in het versmaeden van allen
 troostende ghenoechte / ter liefde
 van die-men bemindt. Daerom/
 mijn ziele / indien ghy meynt / dat
 ghy uwen Godt bemindt / proeft
 het hier mede ; aensiet hoe ghelijck
 ghy blijft volherdende in u ghe=
 bedt als ghy van alle smaech / licht /
 troost / ende beboelicheydt berooft
 zijt. Siet oft ghy dan ghetrou=
 welijck u beste doet om daer in
 teenemael ober-ghegheben te we=
 sen in den wille van uwen Heere/
 ghelijck ghy in't begintsel uwen
 wille gherecht hebt / sonder u te
 quellen / om dat ghy niet bidden ;
 mediteren / oft aspireren en kondt /
 maer zijt teenemael te breden met
 synen wille / aenden selven u ghe=
 rustelijck onderwozpen houdende
 in alle quellinghe.

D E N W E G H.

CHristus treckt voorts lancks ee=
 nen wech van 71. treden, ander.
 halven voet.